

## **МУАЛЛИФ ҲАҚИДА ИККИ ОҒИЗ СҮЗ**

Брайан Трейси номи Америкада жуда машҳур. Бу одам профессионал маъruzachi, нотиқ, педагог ва маслаҳатчи. Брайан Трейси Калифорниянинг Сола-на-Бич ҳудудида жойлашган «Brian Tracy International» ва бошқа фирмаларга раҳбарлик қилган. 2010 йилда ишбилармөнлик, бизнесмен ва мененжерлар учун онлайн-курсларини — “Брайан Трейси университети”ни ташкил этди. У ўз кучи ва меҳнати билан миллионерлик даражасига еттан шахслардан биридир. Бу даражага етишиш учун Брайан Трейси машаққатли ҳаёт йўлини босиб ўтди. Болалигида ҳатто мактабни охиригача тутатолмай, шаҳодатномасини олмай ўқув муассасасини тарк этган эди. Кейин кўп йиллар давомида норасмий ишларда ишлади: ошхоналарда идиш ювди, ўрмон ва қурилиш материаллари омборхонасида юк ташувчи, қудук ковловчи, фабрикаларда қора ишчи бўлиб ишлади. Брайан йигирма беш ёшга етганидагина расмий хизматчи сифатида савдо агенти вазифасида ўз фаолиятини бошлади. Айни шу дамдан бошлаб шахсий ҳаётида муваффақиятларга эриша бошлади.

У тинимсиз ўқиб-ўрганиш ва ҳаётга янгидан-янги гояларни татбиқ этиш натижасида йилдан йилга хизмат пиллапояларидан кўтарилиб борди ҳамда 265 миллион долларлик сармояси мавжуд бўлган қурилиш компаниясининг бош директори даражасига эришди.

Брайан ўтгиз ёшида Альберт вилоятида жойлашган Канада университетига ўқишга кирди, иқтисод ва

бигине соҳалари бўйича илмий даражани қўлга киритди. У бу йиллар мобайнида 22 та турли компания наенги саноат соҳаларида ишлаб улгурди. 1981 йилдан талиборсан Трейси бутун Америка бўйлаб маъруза, сўхбат, семинарлар уюштириди ва ўз муваффақияти сириларини сўзлаб бера бошлади.

Бугунда унинг китоблари, компакт диск ва аудиокассеталарга ёзилган ўқув дастурлари, шунингдек, видеокассеталардаги семинарлари 20 дан зиёд хорижий тилларга таржима қилинган.

Брайан Трейси ўзини «эклектик (эклектизм — турли қарашларни, назарияларни бир-бирига ўзбошимчалик билан қоришириб юбориш) ўқувчи» деб ҳисоблайди. У ўзига илмий тадқиқотчи эмас, балки маълумотлар таҳдилчиси сифатида баҳо беради. Трейси ҳар йили юз соатлаб вақтини турли матбуот нашрлари ва бошқа материалларни ўқишига сарфлайди. Бундан ташқари, у ўқув аудиодастурларини тинглайди, сон-саноқсиз семинарларда иштирок этади, ўз қизиқишиларидан келиб чиқсан ҳолда кўп сонли видеоёзувларни томоша қиласиди. Шунингдек, Брайан билимлар захирасини радио, телевидение ва бошқа оммавий ахборот воситалари маълумотлари билан бойитиб боради ҳамда ўз муваффақиятининг сирини ана шутинимсиз изланишларида деб билади.

Брайан Трейси чўнтағида бир мири йўқ айрим одамлар астойдил ҳаракат қилишса миллионер бўлиши мумкинлигини билишини жудаям истарди. Бу савол уни жавоб топишга ундади ва «Миллионер бўлишнинг 21 сири» китобининг яратилишига сабаб бўлди.

Ушбу китобда миллионер бўлишнинг ҳар бир сирини муваффақиятга эришиш усули билан тенглантиради ва «Муваффақиятга эришишнинг сири» деб бўлимларга ажратади.

## **ЧҮНТАГИДА БИР МИРИ ЙҮҚ ОДАМ ҚАНДАЙ ҚИЛИБ МИЛЛИОНЕР БҮЛИШИ МУМКИН?**

Миллионер бүлиш йўлларининг моҳиятини аниқлаш учун қуидагиларни тушуниб олиш керак:

Миллионер ким ва унинг миллионер деб аталиши учун нималар асос бўлади? Унинг кимлигини ва ўзимиз интилаётган чўққининг пировард нуқтасини аниқлаб олганимиздан кейин, бизнинг мақсадимиз нолдан, яъни ҳеч вақоси йўқ одам ҳолатидан қандай қилиб бўлса ҳам миллионерга айланиш бўлиб қолади ва биз унга эришамиз. Зеро, қаердан келаётганимизни ва қаерга етиб боришни исташимизни билмай туриб, ўзимиз белгилаб олган нуқтага етишимиз мумкин эмас.

Ҳозирча эса бизнинг билганимиз шуки, миллионер — сармояси 1 миллион АҚШ доллари (евро, фунт стерлинг ёки шуларга ўхшаш исталган бир бошқа валютаси)дан ортиқ бўлган одамdir.

**Мақсадимиз:** маблаги ноль бўлган ҳолатдан қандай қилиб бўлса ҳам миллионерга айланиш.

Ҳамёнда арзимас пул бўлган ҳолатда қаердан келаётганимизни ҳам яхши биламиз. Жуда яхши! Координаталар тизими берилди. Биз ўз мақсадимиз сари ҳаракатни бошлашимиз мумкин!

Кўпчилик мамлакатларда шоҳнинг мақоми ва салоҳияти, обрў-эътибори миллионлаб миқдордаги сармояси билан бевосита bogланади. Шунинг учун кўпчилик одамлар бу миқдордаги бойликка эришишни ўз ҳаётларининг мақсади қилиб белгилашади.

Миллионерлик мақоми бизнинг давримизга келиб, қачонлардир бўлганидек, истисно ҳолат эмас, айни кунларда кишининг энг баланд даражадаги шахсий бойлик соҳиби эканлигини билдирувчи мульти миллионер ва миллиардер атамалари муомалага киритилди.

Миллионерлар сонининг ҳозирги даврда ўстанлиги эса, асосан, пулнинг қадрсизланиши билан изоҳланади. Чунки айни кунларда кўпчилик валюталарнинг харид қуввати, масалан, XIX асрдагига қараганда сезиларли даражада паст. Шундай қилиб, ўз мақсадинг сари интил, ноль ҳолатдан миллионер бўлишга ҳаракат қил! Шунингдек, маблагни бир марта миллиондан ошириб олгандан сўнг бадавлатлик чўққисида умрбод begamgina яшайвераман, деган хаёлларни ҳам унут!

Бундай йўлни ҳозирги давлатманд одамларнинг аксарияти босиб ўтган. Масалан, шўролар даврида Роман Абрамовичнинг оддийгина қасб-ҳунар билим юрти ўқувчиси бўлганлигини ҳамма билади. Қитъамиздаги бошқа энг бой одамларнинг рўйхатини олиб кўрадиган бўлсак, уларнинг сони ҳам, сармоясининг миқдори ҳам доимо ўзгаришда. «Форбес» (The World's Richest People 2009) журналида 2008 йилнинг натижалари бўйича, сармояси миқдори бир миллиардан кўп бўлган одамларнинг рўйхати 1125 кишидан 793 кишигача қисқарган. Янги рўйхатдагиларнинг 38 таси номлари илк маротаба энг бойлар сафига киритилган одамлардир. Рўйхатдагиларнинг ўртача бойлиги 3 миллиард долларни ташкил этади. Бир йил ичida миллиардерларнинг умумий бойлиги 23 фоизга камайди. Уларнинг кўпчилиги ўз сармояларини камайтирилар. Шу билан бир вақтда, бу энг бой сармоядрорларнинг 44 нафари янада кўпроқ бойишнинг уддасидан чиқа олдилар. Масалан, математик Жеймс Саймонс бир йил ичida ўз сармоясини 80 фоизга кўпайтиришга эришди.

Билл Гейтс 18 миллиард доллар йўқотди. Лекин жаҳондаги энг бой одам унвонини қайтадан қўлга киритди. Ўтган йилги рўйхатда 1-рақам остида қайд этилган Уоррин Боффе 25 миллиард долларни бой берди. Мексикалик телекоммуникация титани Карлос

Слим Элу биринчи учлиқда ўз ўрнини сақлаб турсада, 25 миллиард доллар сармоясидан айрилди.

## **МИЛЛИОНЕРЛАРНИНГ ЯНА БИР СИРИ: БҮЮК НАРСАЛАР ҲАҚИДА ОРЗУ ҚИЛИНГ**

Ўзингизга орзу қилишга, хаёлларингизда хоҳлага-нингиздек яшашга рухсат беринг. Орзуларингиз имкон қадар аниқ ва тиниқ бўлсин! Қанча пул ишлаб топишни ва банқдаги ҳисоб рақамингизда қанча маблагингиз бўлишини исташингиз ҳақида ўйлаб кўринг.

Шуни ёдда тутингки, буюк шахсларнинг ҳаммаси ўз ўсишлари, амал пиллапояларидан кўтарилишларини қандайдир улкан, ҳозир ўзларида бор бўлганидан мутлақо фарқланадиган нарсалар ҳақида орзу қилишдан бошлашган. Агар сиз орзуларингизнинг ушалишини истасангиз, улар ҳақида орзу қилишдан тўхтаманг. Катта кеманинг сузиш кўлами ва доираси, ҳудуди ҳам катта бўлади.

Биз ким бўлишни хоҳласак, айнан ана шундай киши бўлиб етишамиз. Тасаввур қилингки, сизнинг ким бўлиб етишишингиз, ҳаётда нималаргadir эга бўлишингиз ва нималар биландир шугулланишингиз учун ҳеч қандай тўсик, чеклов ва қўрқув йўқ. Қисқагина бир сонияга ўз олдингизга қўйган мақсадларингизга эришиш учун ҳамма нарсага, барча имкониятлар: пул, вақт, алоқалар, соглиқ, куч ва бошқа нарсаларга эга эканлигингиши, ҳеч ким йўлингизга тўғоноқ бўлолмаслигини тасаввур қилиб кўринг.

Мулоқот тарзида «келажакка парвоз қилиш»ни машқ қилинг. Хаёлингизда ҳозирги даврдан 5 йил олдинга, келажакка тушиб қолинг. 5 йил ўтгани ва энди

сизнинг ҳаётингиз ҳамма томондан олганда бекаму кўст, идеал эканлигини, бу ҳаётнинг қандай намоён бўлаётгани, ўзингизнинг нималар билан машгул эканлигиниз, қаерда ишлаётганингиз, қанча пул ишлаб топаётганингиз, ким билан яшаётганингиз, вақтни қандай ўtkазаётганингиз, нима қилишни яхши кўришингиз ва нималар қилаётганингизни тасаввур қилиб кўринг.

Ўз орзунгизнинг расми(тасвири)ни альбом шаклида, қутичада, деворда яратинг. Унда орзунгизнинг тўплами(коллажи)ни — ўз ҳаётингизда нималарга эришишни хоҳлашингизни акс эттиринг.

Буюк нарсалар ҳақида ўйлар ва орзу қилар экансиз, сиз молиявий эркинликка ва миллионер бўлишга тобора яқинлашиб борасиз. Ҳақиқий миллионернинг ҳаёти ана шундай бошланади.

Сиз ўзингизни нимагадир эриша олмаслигинизга ишонтириб қўйманг. Шуни 100 фоиз билиб олингки, ҳар қандай орзуга, у қандай бўлишидан қатъи назар, эришса бўлади. Шунинг учун биринчи қадамни дадил босаверинг. Зеро, минг чақирикни босиб ўтиш ҳам дастлабки қадамни қўйишдан бошланади.

Биз диққатни жамлаш мақсадидаги намуна сифатида ўз пулларини ўzlари ишлаб топган одамларни танлаймиз. Чунки улар ўzlарида, феъл-авторида кузватиши ва тақъослаш учун имкон берадиган алоҳида сифатлар ҳамда хусусиятларни акс эттирадилар. Уларнинг ҳаммаси ишни нолдан бошлаб, бир мақсадга йўналтирилган ҳаракатларни аниқ усул ва воситалар билан босқичма-босқич, қадамма-қадам бажариб бориш натижасида бир миллион долларли сеҳрли чўққини забт этишга эришганлар.

Бу жараёнда биз қуйидагиларни билиб оламиз: ҳаётда муваффақиятга эришиш учун сиз алоҳида хусусиятларга эга бўлган одамга айланингиз керак. Кўпчиликдан устун туришингиз учун ўзингизда ўртача

одамларда йўқ бўлган хусусият ва кўнижмаларни ривожлантиришингиз керак бўлади.

Катта молиявий муваффақиятларга эришиш учун энг муҳим омил — пул ва бошлангич капитал эмас. Муҳими, шундай катта миқдордаги пулни ишлаб топиш ва сўнгра шу даражада муҳим бўлиб қолиш учун қандай шахсга айланишингиз кераклигиdir.

Бу ерда баён қилинган «муваффақиятлар сири» сиз ўз ҳаракатларингиз давомида яна бир талай пул ишлаб олишингиз ёки уни удалай олмаслигингидан қатъи назар, ҳаётнинг ҳамма соҳаларида ҳақиқий ва улкан зафарларга эришиш учун омилдири. Бу тамойиллар шу даражада қудратлики, сиз уларни ўзингиз учун муҳим бўлган ва кўнглингиз истаган ҳар қандай мақсадга эришиш учун қўллашингиз мумкин.

Китобда келтирилган усул ва услубларнинг кўпчилиги сизга таниш туюлиши мумкин. Бу шунинг натижасики, одамлар юз йиллар давомида уларни кашф этишган, қайта ихтиро қилишган ва яна янгидан очишган. Мен кўпинча ўзимга муваффақиятнинг табиатини ўрганувчи, яъни мутлақо янги концепцияларнинг яратувчиси ёки бунёдкори эмас, балки китобхон, буюк гояларнинг тадқиқотчиси ва улар ҳақида билимларни тарғиб қилувчи ўқитувчи одам сифатида қарайман. Мен Екклесиатнинг «Қуёш остидаги ҳудудларда янги бир нарсанинг ўзи йўқ»лиги ҳақида айтган гапларига ишонаман.

Модомики, бу китобни ўқиёттан экансиз, мен сизнинг ҳаётда ўз олдингизга қўйган улуг мақсадларингиздан бири — ўзингизнинг ҳақиқий имкониятингизнинг борган сари катта қисмини ишга солиб, буюк инсон бўлиш эканини тушунаман. Муваффақиятга эришишнинг бу ерда баён қилинган ҳар бир сири сиз эришишингиз мумкин бўлган ажойиб ҳаёт томон тезроқ олга силжишингизга ёрдам беради. Саёҳатингиз кўнгилли ўтишини тилаймиз!

## САБАБ ВА ОҚИБАТ ҚОНУНИ

Сиз ўрганмоқчи бўлган материал ҳаётингизни бутунлай ўзгартириб юбориши мумкин. Бу гоялар, кашфиётлар, стратегиялар миллионлаб кишилар, яъни эркак ва аёллар, ёшлар ва қариялар, бойлар ва камбагаллар учун молиявий муваффақиятга эришиш қалити бўлиб хизмат қилган. Бу тамойиллар содда, самарадор ва уларни амалда қўллаш қийинчиллик тугдирмайди. Улар текширилган ва минг бора исботланган. Агар сиз уларни шунчаки ўрганиб қолмай, бу тамойиллардан амалиётда фойдалансангиз ва ўз ҳаётингизга татбиқ этсангиз, улар сизга ҳам муваффақият билан хизмат қилади.

Биз инсоният тарихидаги энг буюк даврда яшаяпмиз. Бугун тасаввур қилганимиздан ҳам кўпроқ замондошларимиз ишни нолдан бошлаб, бой-бадавлат бўлмоқдалар. Ҳозирги кунга келиб, биргина Американинг ўзида миллионерлар сони 7 миллион кишидан ошиб кетган. Уларнинг кўпчилиги пулларини ўзлари ишлаб топишган ва бундай бой-бадавлат кишилар сони ҳар йили 15–20 фоизга ошиб бормоқда. Уларнинг орасида шунчаки миллион эмас, балки ўнлаб, ҳатто юзлаб миллион долларни ҳеч кимнинг ёрдамисиз ишлаб топган икки юздан ортиқ миллиондерлар ҳам бор. Бугун инсоният тарихида ҳеч қачон катта миқдордаги бойликларнинг бунчалик тез яратилиши кузатилмаган эди.

Қўйида эса маълумотларнинг энг қизиқарлиси. Бу рўйхатдан жой олган ва моддий жиҳатдан фаровон яшаётган одамларнинг 90 фоизи бойлик йигишни бўш ёки яrim бўш чўнтак билан бошлаганлар. Ўз пулини ўзи ишлаб топган ҳар бир миллионер, ўртacha олганда, 3,2 марта буткул ёки деярли «синган». Бадавлат одамларнинг кўпчилиги молиявий муваффақиятга эриширадиган имкониятни қўлга киритгунларига қадар тез-тез муваффақиятсизликка учраганлар. Бу

иши аллақачон уддалаб, бой бұлиб кеттән юз минглаб, миллионлаб одамлар сингари сиз ҳам бемалол бунинг уддасидан чиқасиз.

Инсон тақдирининг темир қонуни бу сабаб ва оқибат қонунидир. У жуда оддий ва айни бир вақтнинг үзида жуда құдратлидир. Үнга құра ҳар бир маълум оқибатнинг аниқ сабаби мавжуд. Ҳар бир ҳаракат учун ҳаракатдан кейинги ҳолат бор. Бу қонунга биноан муваффақият тасодифнинг натижаси эмас, балки молиявий зафар — сизнинг мутлақо аниқ мақсадға йұналтирилган ҳаракатларни қадамма-қадам бажарганингиз ва уларни шундай катта ишонч билан истаган молиявий мустақиллікка эришишиңгизга қадар такрорлашингиз оқибатидир.

Табиат үз ҳолича олинганида нейтрал, бетарафдир. Бизни үраб турған табиий олам учун, кишилар жамияты учун сизнинг ким ва қандай инсон эканлигингизнинг фарқи йүқ. Сабаб ва оқибат қонуни эса қуйидагиларни тасдиқлады: агар сиз муваффақиятга эришган одамлар қылган ишини бажариб, уларнинг йўлидан борсангиз, пировардидә бу бой-бадавлат кишилар эришган натижаларни сиз ҳам қўлга киритасиз. Агар уларнинг ҳаётий тажрибасидан ўрнак олмасангиз, ҳеч қандай яхши натижага эришмайсиз. Фақат бир нарсани доимо ёдингизда тутинг, бошқалар сиздан құра яхшироқ ҳам, ақллироқ ҳам эмас. Сиз үзингизни жуда арzon баҳоламаяпсизми? Нима учун сизга зафар умуман ёр бўлмаяпти? Хусусан, молиявий муваффақиятта эриша олмаёттанилгингизнинг муҳим ва бош сабабларидан бири — сиздан құра яхшироқ ҳаракат қилаёттан кишиларнинг, сиздан яхшироқ эканлигига ишониб қолгансиз. Бу эса оддийгина ёлғон, үз-үзини алдаш, юпатишдан бошқа нарса эмас. Гап шундаки, пулларини үzlари ишлаб топган миллионерларнинг кўпчилиги етарли даражада ўрта маълумотта эга бўлган оддийгина одамлар. Улар

Үртача лавозимларда ишлашган, үртақол одамлар билан құшничиликда, үртача уйларда яшаб, үртамиёна автомобилларни ҳайдаб юришган. Лекин улар бойбадавлат одамлар қандай ҳаракат қилишларини англай билғанлар. Үzlари ҳам худди шундай ҳаракатларни босқичма-босқич, қадам-бақадам, айнан улардай ажойиб натижаларга эришгүнларига қадар амалга оширганлар. Бунда ҳеч қандай мұъжиза ва ҳеч қандай тасодиф йўқ. Қачонки, сиз ҳам пулларини үzlари ишлаб топған миллионерларға үхшаб үйлаб ҳаракат қила бошласанғиз, шундагина шу одамларнидек натижаларни қўлга кирита бошлайсиз. Бу ерда сабаб ва оқибат қонунининг энг оддий тарзда намоён бўлишини кўрасиз, холос.

Қуйида ўз маблагларини үzlари ишлаб топған миллионерлар каби муваффақиятта эришишнинг кўриб чиқилган йигирма бир сири келтирилади. Уларнинг ҳар бирини билиш ва унга риоя этиш сизнинг ҳам моддий ва молиявий жиҳатдан мустақил одамга айланишингиз учун зарурдир. Бу тамойилларнинг исталған биттасини қўллашдаги ноқобиллик ёки бундай қилишни истамаслик сизнинг соглик, бойлик, баҳт ва тўлиқ гуллаб-яшнашга эришишга бўлган ҳамма имкониятларингизга ўз-ўзидан, ҳеч қандай бошқа омилларсиз путур етказиши ёки уларни бутунлай йўққа чиқариши мумкин.

Бу тамойилларнинг ҳар бирини сиз учун табиий одатга айлангунига қадар кўплаб марта тақрорлаш билан үзлаштирасиз. Маблагларини үzlари ишлаб топадиган миллионерларнинг муваффақиятлари сирини сиз худди велосипед ёки машина ҳайдашни ўргангандек ўрганишингиз ва уларни ўз ҳаётингизда қўллашингиз мумкин. Бунда сиз ўз фикрлаш доиранингиздан келиб чиқиб, ўзингизга ўзингиз қўядиган чекловлардан бошқа ҳеч қандай тақиқ ва тўсиқ йўқ. Энди эса йўлга чиқамиз.

## **МУВАФФАҚИЯТГА ЭРИШИШНИНГ БИРИНЧИ СИРИ: БҮЮК НАРСАЛАР ҲАҚИДА ОРЗУ ҚИЛИНГ**

*Бүюк нарсалар ҳақида орзу қилинг, фақат бүюк орзуларгина одамларнинг қалбига етиб бориши мумкин.*

**Марк АВРЕЛИЙ**

Пулларини ўзлари ишлаб топган миллионерларнинг биринчи сири — улар бүюк нарсалар ҳақида орзу қилишган. Орзу қилишдан ўзингизни тийманг, келажакда яшамоқчи бўлган ҳаётингизни фараз қилинг ва турли хил хаёлий ҳавасларни ўйлаб топинг. Қанча пул ишлаб топишни ва банқдаги ҳисоб рақамингизда қанча маблагингиз бўлишини исташингиз ҳақида ўйлаб кўринг.

Бүюк эркак ва аёлларнинг ҳаммаси ишни ўзларида йўқ бўлган ажойиб бирор нарса ҳақида орзу қилишдан бошлишган. Америкадаги машҳур қўшиқлардан бирида «Агарда ниятларинг рўёбга чиқишини истасанг, сен бүюк орзуга эга бўлишинг керак» дейилади. Бу сўзлар фақат шу қўшиқнинг лирик қаҳрамонигагина эмас, балки сизга қарата ҳам айтилган.

Сизнинг ким бўлишингиз ва ҳаётда нима билан шугулланишингиз учун ҳеч қандай чеклов мавжуд эмаслигини тасаввур қилинг. Фақат қисқа бир соңияга шуни фараз қилингки, сизда мақсадингизга етишишингиз учун зарур бўлган барча нарса: вақт, пул, маълумот, тажриба, дўстлар, турли алоқалар, ҳамма воситалар ва бошқа имкониятлар бор. Агар сизнинг имкониятингиз мутлақо чекланмаган бўлса, ўзингиз ва оиласигиз учун қай тарздаги ҳаётни яратишни истар эдингиз?

Энди эса «Келажакка саёҳат» усулида фикрлаган ҳолда амалиёт ўтказиб, тажриба орттириинг. Бу юксак натижаларга эришаётган кишилар томонидан

мунтазам равища фойдаланиб келинаётган жуда самарали усулдир. Бундай фикрлар сизнинг онгингизга ва феъл-авторингизга қаттиқ таъсир кўрсатиш билан бирга, дунёқарашингиз ва хулқингизни ҳам ижобий томонга ўзгартиради. Бу усул қуидагича:

Хаёлан бундан беш йил олдинги даврга тушиб қолинг. Беш йил ўтган, ҳаётингиз энди ҳамма ўйналишлар ва соҳаларда идеал равища изга тушган деб тасаввур қилинг. Бу ҳаёт қандай кўриняпти? Сиз нима қилаяпсиз? Қаерда ишлаяпсиз? Қанча пул топяпсиз? Банқдаги ҳисоб рақамингизда қанча пулингиз бор? Қандай турмуш тарзини олиб бораяпсиз?

Кўз олдингизга келажақда етишишни орзу қилганингиздек ҳаёт манзарасини келтиринг. Сизнинг ўша вақтдаги соглигингиз, баҳтингиз ва гуллаб-яшнашингиз хаёлан қанчалик аниқ ва тиниқ гавдаланса, сиз буларнинг ҳаммаси томон шунчалик тез ҳаракатланасиз. Тасаввурингиздаги келажак ҳам сиз томонга шундай тезлиқда яқинлашиб кела бошлиди.

Нимага интилаёттанингизнинг хаёлий суратини чишиб олганингиздан сўнг, феъл-авторингиз бир мунча яхшиланади. Ижобий фазилатларингиз ошади, ҳаракатларингиз анча асосли бўлиб қолади ва сиз фикру режаларингизни ҳаётга татбиқ этишга илгаридаиданда қатъийлик билан киришасиз. Бир ҳаракат билан ўзингизнинг табиий, ижодий имкониятингизни намоён қиласиз ва хаёлларингиздаги ёрқин ҳаётга етишиш мақсадида буюк орзуларингизнинг рӯёбга чиқишига ёрдам берувчи бир талай гояларни ўйлаб топасиз.

Ҳар бир одамда уни етакчи ва устувор орзулари, тимсоллари, хаёлот дунёси ўйналишида ҳаракат қилишга ундовчи тамойил бор. Ҳар гал буюк нарсалар ҳақида орзу қилар экансиз, сиз ўз баҳонгизни реал равища оширасиз. Ўз шаъну шавкатингизни

мустақамлайсиз ва ўзингизга кўпроқ ёқишингизга ҳамда ўзингизни кучлироқ ҳурмат қилишингизга ёрдам берасиз.

Бундай орзулар сизнинг ўзингиз ҳақингиздаги тасаввурларингизни яхшилайди ва ўзингизга бўлган ишонч даражасини оширади. Булар сиздаги ўз-ўзини ҳурмат қилишнинг шахсий даражаси, шунингдек, ички қадр-қиммат ва баҳтлилик ҳиссининг ўсишига олиб келади. Юксак орзулар, олий хаёлларда бизга илҳом берувчи ва ҳаракат қилишга ундовчи, илгаригидан ҳам яхшироқ бўлишга чорловчи қандайдир куч мавжуд. Бу ишларни амалга ошириш, мақсад сари интилишни бошлашдан аввал битта ниҳоятда муҳим саволга икки ёқдама талқин қилиб бўлмайдиган жавобни топишингиз, бунинг учун эса мазкур саволни ўзингизга такрор ва такрор беришингиз лозим. У қўйидаги мазмундадир:

«Агар мен муваффақиятсизликка учрамаслигими ни аниқ билсан, орзу қилишга журъат эта оладиган ягона нарсам нима бўларди?»

Агарда сизга ҳаётингиздаги исталган битта мақсадингизга — каттами-кичикми, яқин ёки узоқ муддатда етиш мумкин бўлганига эришишингиз учун кафолат берилса, улардан қайсисини танлардингиз? Бордию ўзингизни муваффақият кутиб турганини аниқ билганингизда, сиз орзу қилган ўша ягона буюк мақсадингиз нимадан иборат бўлиши мумкин?

Сизнинг интилишингиз қандайлигидан қатъи назар, уни қоғозга ёзиб қўйинг ва бу буюк мақсадга ўзингизни аллақачон эришган деб тасаввур қила бошланг. Энди орқангизга, сиз бугун мавжуд бўлган вақт ва ҳолатингизга назар ташланг. Боришини хоҳлаган жойингизга етиб олиш учун нима қилишингиз керак? Қандай қадам ташлашингиз, қандай чораларни қўллашингиз лозим? Ҳаётингизда нимани ўзгартиришингиз керак? Ишни нимадан бошлаш ва

нимадан воз кечишига тұғри келади? У ерда сиз ким билан ёнма-ён туар әзингиз? Кимлар сиз билан бирга бұлмас эди? Агар ҳаётингиз қар томонлама идеал шакланса, у қандай күринишда булади?

Айнан нимани үзгартериш лозимлигидан қатын назар, бугуннинг ўзиданоқ биринчи қадамни қўйинг.

Буюк нарсалар ҳақида орзу қилиш — сизнинг мақсадингиз, аниқроқ айтганда эса, молиявий мустақилликка эришишингизнинг бошлангич нуқтасидир. Кўплаб одамларнинг ҳеч қачон моддий муваффақиятга эришмасликларининг биринчи сабаби қўйида ўз аксини топади:

Бу ишни қилиш қўлларидан келиши ҳақидаги фикр ҳеч қачон уларнинг хаёлларига келмайди. Натижада, бундай шахслар бирор ишни қилиб кўришига ҳаракат ҳам қилмайдилар. Улар ушбу пойганинг стартига чиқишига интилмайдилар. Бундай тоифага мансуб шахслар ўзлари ишлаб топган пулларнинг ҳаммасини, ҳатто ундан ҳам кўпрогини сарфлаб юбориб, пул масалаларига оид муаммоларнинг атрофида айланишдан нарига ўтмайдилар. Сизда молиявий муваффақиятга оид буюк орзулар пайдо бўлар экан, ўзингиз ва ҳаётингизнинг бутун йуналиши яхши томонга ўзгартмагунга қадар оз-оздан, аста-секин ҳаракат қилишни бошлайсиз.

Буюк нарса ҳақида орзу қилиш — молиявий муваффақиятга эришиш ва ўз кучи билан миллионерга айланиш учун дастлабки таянч нуқтадир.

### АМАЛИЙ МАШҚ

Агар сизда тўлиқ муваффақият қозониш кафолаттан булса, қиласиган ёки амалга оширишига ҳаракат қилиб кўрадиган ҳамма ишларингизнинг рўйхатини тузиб чиқинг. Кейин эса аниқ битта ҳаракат бўйича қарор қабул қилинг ва дарҳол уни бажаринг.

**МУВАФФАҚИЯТГА ЭРИШИШНИНГ  
ИККИНЧИ СИРИ:  
МАҚСАДГА ҚАРАБ ҲАРАКАТ  
ҚИЛАЁТГАНИНГИЗНИ АНИҚ ҲИС ЭТИШ  
УСУЛЛАРИНИ ИШЛАБ ЧИҚИНГ**

Мақсади аниқ бўлган одам, ҳатто энг оғир йўл бўйлаб ҳам ҳаракатлана олади. Ҳеч қандай мақсади йўқ одам энг текис йўлда ҳам олга юра олмайди.

Томас КОРЛЕЙЛЬ

Мақсадларингизни парвоз қилиб юрган хаёлларингиз орасидан ажратиб олинг ва уларни қоғозда ёзилган аниқ, равшан мақсадлар шаклида ифодаланг. Балки инсоният тарихидаги энг буюк кашфиёт қўйидаги иборада мужассамлашгандир: «Сиз нима ҳақида энг кўп ўйласангиз, шу нарса, албатта, амалга ошади». Сизнинг ҳаётингизда айнан нима содир булишини аниқроқ белгилаб берувчи икки омил мавжуд бўлиб, улар қўйидагилар: сиз нима ҳақида кўп ўйлайсиз ва бу ҳақида қандай ўйлайсиз?

Доимий мубаффақият қозонадиган одамлар ўз вақтларининг асосий қисмида режалаштирган мақсадлари ва уларга эришиш йўллари ҳақида ўйлайдилар. Бунинг натижасида, улар мақсадлари томон узлуксиз равищда яқинлашиб борадилар ва уларнинг мақсадлари ҳам бундай кишилар томон тўхтовсиз равищда ҳаракат қилишади. Қайси нарса-буюм ҳақида кўп ўйласангиз, унинг сизнинг ҳаётингиздаги роли, албатта, ўсади, йириклишади. Агар сиз ўз мақсадларингиз тўгрисида мунтазам ўйлаб юрсангиз, улар ҳақида гапирсангиз ва бу мақсадларингизнинг маълум бир шакллардаги тасаввурини, тасвирини яратсангиз, сизда ўртамиёна одамга қараганда кўпроқ, анча кўпроқ нарсага эришишингиз эҳтимоли ортиб боради.

Милионер бўлиш учун фойдаланишингиз мумкин бўлган ва ўз олдингизга турли мақсадларни қўйишингиз